



Džennet- Pusta želja ili stvarnost?

IslamBosna.ba- Kada je Faraon saznao da njegova žena Asija vjeruje u Allaha, s.v.t., umjesto u njega, on se razbjjesnio! Kako je mogla? On je naredio svojim stražarima da je pretuku. Svezali su njezine ruke i noge, i nemilosrdno su je tukli u bjesomučnoj vrelini pustinje. Ona se obratila Allahu i dovila: **Gospodaru moj, sagradi mi kod Sebe kuću u Džennetu i spasi me od Faraona i mučenja njegova, i izbavi me od naroda nepravednog!** (et-Tahrim, 11)

To je bila njena želja. Da bude u Džennetu. I dova joj je ispunjena.

Navodi se da kada je ovo rekla, nebo se za nju otvorilo i ona je vidjela svoj dom u Džennetu.

Nasmiješila se.

Frustrirani i ljuti, stražari su podigli ogroman kamen kako bi je potpuno uništili. Ali, prije nego što su to uradili, Allah je uzeo njezinu dušu i ona je postala primjer za sve vjernike i vjernice do kraja vremena.

Želje, nade i težnje! Ko ih nema?

Kada prosječu osobu pitate šta želi, pojedini će odgovoriti milion dolara, možda sportski automobil i kuću pored jezera ili čak putovanje u Disneyland.

Ali, malo nas se sjeti najviših ljudskih želja. Najvećih želja, najboljih želja, najuzvišenijih želja. Sigurno, one su na našem spisku, i mi to želimo ali ne sa tolikim žarom i strasti koju zaslužuju.

A koja je to želja, nakon svega?

To je želja za Džennetom; čistim, uzvišenim prebivalištem vjernika.

Nemuslimani vjeruju da će im želje biti ispunjene ako zažele ispod zvijezde, puhnu u rođendansku svjećicu ili da će im duh iz lampe može ispuniti tri želje. Ali, elhamdulillah, mi smo muslimani i nama nije potrebna zvijezda, svijeća u torti da bismo nešto poželjeli. Zapravo, nama nije čak ni potreban duh iz lampe.

Sve što moramo učiniti jeste da se predamo Allahu, vjerujemo u Njega, činimo dobra djela koliko je u našoj mogućnosti, nadajući se Njegovoj milosti i bojeći se Njegove ljutnje.

Allah nam je kazao u Kur'anu: **Oni koji budu vjerovali i dobra djela činili i koji Gospodaru svome budu odani biće stanovnici Dženneta, u njemu će vječno boraviti.**(Hud, 23)

Kao muslimani mi također znamo da postizanje nečega nisu samo prazne riječi. To znači željeti svim

srcem, uposliti jezik i dovititi za to te potruditi kako bi se to postiglo.

A Džennet je najuzvišenija želja.

Ali, da li mi zaista želimo Džennet? Ako želimo, šta radimo da bismo ga postigli?